

Daten verwalten för Profis

In düt Kapittel lehrt Se noch paar Tricks, de Se bruken köönt, wenn Se würrlich grötttere Datenmengen to verwalten hebbt.

Datein söken

Se weet nich mehr, woneem de Datei steken deit, de Se vör twee Weken anlegt hebbt? Se weet ok nich mehr nau, woans de heten dä? Man dat dat heel wichtig weer, dat weet Se? Keen Grund to Panik! Windows söökt för Se de Datei in den ganzen Computer.

Starten:

- **Start | Suchen | Dateien / Ordner...**

orr

- in'n Explorer: **Extras | Suchen | Dateien / Ordner...**

Toerst mööt Se de Söök-Kriterien instelln, denn op **Starten** klicken; denn geiht de Söök los.

De Kriterien köönt Se op drie Registerkoorten heel nipp angeven, dat de Söök ok würrlich Erfolg hett:

Registerkoort Name/Ort

Söök na Naams orr Naamsbestanddelen:

- De Naam is jümmers **dateiname.endung**
- De Stiern * steiht för en Grupp Bookstaven, Tallen orr anner Teken in'n Naam, de egaal sünd – orr de Se nich mehr nau weten daat. De Stiern * is also en so nöömte Platzholler. (Op Ingelsch seggt een ok „wild card“.)
- Dat Fraagteken ? is ok en Platzholler. Dat steiht för en enkeltes Teken in'n Naam, dat Se nich weet orr dat egaal is.
- Söök na de Endung = Söök na den Typ; t.B.
 - * **.doc** = alle Word-Dateien;
 - * **.exe** = alle Programmdateien



Registerkoort Name/Ort: Söök na alle Datein (also *.*) op de Fastplatt D:, de den Text „hamburg“ enthalten daat

Bispelen

Maakt Se sik an de Bispelen klaar, woans de Söök funscheneert. Probeert Se't sülvn ut.

Söök na...

...findt de Datein:

me?er.*

meyer.doc, meier.txt, meger.xls...

me*er.*

meyer.doc, meeresforscher.doc, meier.txt, meger.xls, metallarbeiter.htm, ...

liebesbrief*.doc

liebesbrief_an_henry.doc, liebesbrief_an_klaus.doc,

????.doc

alle Word-Datein, de ehr Dateinaam nau 4 Teken lang is

Söök na enthaltenen Text

Hier köönt Se en Woort orr Woortgrupp intippen, de in den Text vörkümmt. Tipp: Lüttbookstaven intippen! Windows söökt denn ok na de groot schreven Variante.

Enthaltener Text:


Suchen in

Düt Feld giffit an, woneem Se Ehr Datei söken wüllt. Dat is wichtig; söökt Se an de falschen Steden, findt Se nix!


- Dat Loopwark, op dat Se söken wüllt, wählt Se mit de Utklappliste **A**.

- Wüllt Se nich op dat ganze Loopwark söken, sünnern in en bestimmten Ordner, denn wählt Se den mit den Knoop **Durchsuchen** **B**.

- Wichtig: **Untergeordnete Ordner einbeziehen** **C** anklickt laten! Süß söökt Windows bloots in den Ordner sülvem, avers nich in de Ordner, de dor binn steken daat.




So söökt Se op de ganze Fastplatt C:, mit alle Ünnerordner.



*Mit **Durchsuchen** kriggt Se düssen Dialog, 'neem Se na dat Explorer-Prinzip den Ordner, in den Se söken wüllt, oplättern mööt. Denn OK.*

Registerkoort Datum

Söök na Datein, de in en bestimmten Tiedruum erstellt / verändert woorn sünd.



Klickt Se de lütten Boller vör de Opschoonen so, as Se dat hebben wüllt. Se kennt sik mit Dialogfenster ja ut.


Düsse Söök geiht op alle Datein, de in de letzten fief Daag nieg erstellt woorn.

Wohrschu: Wenn Se al op de Registerkoort **Name/Ort** wat

instellt hebbt, blifft dat wiederhen güllig! Se sett hier bloots niege Kriterien babenop! T.B. alle Datein **me*.doc**, de in de letzten Daag ännert woorn sünd. Mennig Lü vergeet dat. Wenn nix funnen warrt, kann dat de Grund ween.

Registerkoort Weitere Optionen

Söök na bestimmte Dateitypen un Dateigrößen. Is to bruken, wenn een de Endung nich kennt, de to een Dateityp tohöört, orr wenn een bloots Datein vun en bestimmte Grött söken will.



Registerkoort Weitere Optionen: Adressbuch-Dateien sünd t.B. Datein, vun de een de Endung nich jümmers weten kann. Dor is düsse Registerkoort to bruken. Hier wartt babento bloots de Adressbuch-Datein söökt, de lütter as 80 kB sünd. Heel lütt.


Wohrschu! Alle Instelln op de ünnerscheidlichen Registerkoorten sünd toglied güllig! Mennigmaal mööt Se Instelln op en Registerkoort löschen, ehرداد Se op en anner Registerkoort wat instellt.

Afkörten to'n Söken: Kontextmenü!

Wenn Se al in'n Explorer sünd, giff't en schönen Trick: Rechtsklickt Se den Ordner orr dat Loopwark, 'neem Se in söken wüllt. In't Kontextmenü giff't den Indrag **Suchen...** Dormit kriggt Se den Suchen-Dialog so, dat de richtige Steed al indragen is.

Kontextmenü! Kontextmenü!

Neegto *alle* Saken in Windows hebbt en Kontextmenü. Dat schulln Se jümmers ankieken, wenn Se op de Söök na en bestimmten Befehl sünd. Kann veel Arbeit spaarn! Laat Se de rechte Muustast nich in Roh!



Markeern: Tricks


To dat Markeern vun Datein giff't poor Kunstgriep, de to bruken sünd, wenn Se veel Datein hebbt. Denn much een gern en Akschoon op stückerwat Datein toglied loslaten, t.B. stückerwat Datein tosamen verschuven/kopeern/apen maken/löschen/wat weet ik noch.... Dorför mööt Se jüm denn avers tosamen markeern. Keen Problem!

Nahvers-Datein:

Wenn de Datein, de Se tosamen markeern wüllt, binanner staht, denn

- klickt Se de eerst Datei an,
- hollt de **Umschalt**-Tast dal (de Tast för Grootbookstaven),
- klickt de letzt Datei an.

Nahvers-Datein sünd markeert



Nu köönt Se alle Datein t.B. tosamen mit daldrückte Muustast verschuven. Dat spaart veel Arbeit. Versöök Se't! Wenn nödig, köönt Se't ja **Rückgängig** maken.

Keen Nahversdatein?


Wenn Ehr Datein nich binanner staht, kann dat an de Sorteering liggen. Sorteert Se t.B. na Datum, denn staht alle niegen Datein blangenanner usw.!

Keen Nahversdatein:

Wenn Se Datein tosamen markeern wüllt, de partu keen Nahversdatein sünd, denn geiht dat ok. So:

- Klickt Se de eerst Datei an,
- hollt Se de **Strg**-Tast dal (ganz links nerrn op de Tastatur),
- klickt Se na de Reeg alle annern Datein an.

Nich-Nahvers-Datein sünd markeert un warrt tosamen verschaven



Daten sekern

Wenn Se veel sülvst maakte Datein hebbt, schullt Se de vun Tied to Tied sekern, d.h. op en annern Datendreger kopeern.

Woso sekern?


De allermehrste Tied geiht allens good. Man dat kann vörkamen, dat wat schiep löppt, un denn warrt Se froh ween, en Sekerung to hebben. Nehmt wi an, dat SeEhr Daten bloots op een Datendreger liggt (also op de Fastplatt). Nu kann en Fastplatt mal kaputtgahn. Nix is mehr to lesen, de PC kann gor nich mehr starten. Wat nu? Niese Fastplatt mutt her – un de Daten? Wenn Se en Sekerung hebbt, hebbt Se de Daten rett un köönt jüm einfach op de niege Fastplatt kopeern. – Orrer Se fangt sik in't Internet en wükdlich böösaardigen Virus in, de de Datein befallt. Wat denn? Wenn Se en Sekerung hebbt, köönt Se de denn ut't Schapp trecken un hebbt tominnst en öllere Verschoon vun de Datein, de rein un ahn Virusbefall is. – Wichtige Daten schulln Se nienich bloots op een Datendreger hebben!

Op wat sekern?

Grote Mengen an Daten, sünnerrich Multimedia- un Bilddaten, warrt vundaag op CDs orr DVDs kopeert („CD brennen“). Ünner Windows 98 bruukt Se dorför en extra Programm. Wenn Se'n öllern Rekner hebbt, hett de villicht ok gor keen CD-Brenner (de Reedschap to'n Beschrievn vun CD-Rohlinge). Dorüm warrt faken noch de goden olen Disketten benütt.

Op en Diskett gaht 1,44 Mb Daten. Dat langt för ca. 70 einfache Breven. Ok längere Texte un Tabelln un so'n Tüüchs kannst good op ünnerbringen. Bloots bi grötttere Datein (faken Biller) warrt dat gau prekär.

Schuuvt Se de Diskett so in't Diskettenloopwark, dat de Sied, de för dat Etikett vörsehn is, na baven wiest. De Sied, 'neem in de Midd wat to sehn is, mutt nerrn ween. De sülvn Schuver wiest na vörn.



Schuuvt Se licht un ahn Gewalt. Dat Loopwark maakt en satten „Klack!“, wenn de Diskett inrast is. De lütt Knoop an't Loopwark bedeeent en Fedder, mit de de Diskett wedder rutsmeten warrt. Drückt Se op den Knoop, de Diskett kümmt rut. Schuuvt Se ehr wedder in.

Later nich vergeten: Good beschriften un köhl un rein opbewohrn! Nich mit'n Magneten bigahn! Dat maakt de Daten twei.





Op Diskett spiekern

Op de Diskett köönt Se jüst so spiekern as in en Ordner. Behandelt Se de Diskett man einfach as'n Ordner.

Ut Programme:

- Gaht Se in den **Speichern-/ Speichern unter**-Dialog man einfach op dat Loopwark **3,5-Diskette (A:)**, so as dat Bild dat wiest, un spiekert Se.
- Nu rödelst dat Loopwark hörbaar.
- Wenn keen Diskett in is, giff't en Fehlermeldung. Denn mööt Se **Abbrechen** klicken.




Rödel! Gähn! Rödel! Gähn!

Wenn Se nu wiederarbeiten wüllt, finnt de ganze Arbeit man an en Datei op de Diskett statt! Dat is aasig langsam – dat Diskettenloopswark is en heel dammeliges Loopwark – un dat Gerödel maakt Krach, un dat is ok nich de Sinn vun de Saak. De Diskett is bloots to'n Sekern vun **fertige** Arbeit. De Datei schall to'n Bearbeiten op de Fastplatt liggen.


Dorüm spiekert een mehrst ok per Explorer op Diskett, nicht ut Programme.

Ut'n Explorer:

- Se köönt Datein hier jüst so as in'n Ordner rövertrecken, rinkopeern usw.
- **Achtung:** Bi't Trecken twüschen ünnerscheidlich Loopwarken



warrt jümmers en Kopie maakt! Se bruukt nich bang ween, dat de Datei vun de Fastplatt verswinnt!




Noch komodiger: Kontextmenü!


Dat Kopeern op Diskett geht in'n Explorer best mit dat **Kontextmenü | Senden an | 3,5-Diskette (A:)** – süh Bild links.

Verknüpfungen

En Verknüpfung to en Datei is en Afkörtten to de Datei vun egaal welke Steed – en Aart Wiespahl. Warrt de Verknüpfung doppelklickt, maakt Windows de Datei op, op de de Verknüpfung wiest. – Nienich vun höört? Doch! Se hebbt al faken Verknüpfungen benütt. De mehrsten Symbole op Ehrn Desktop sünd Verknüpfungen. Sogoor de Indrääg in't Startmenü sünd Verknüpfungen!




Verknüpfungen op'n Desktop. Se erkennt den lütten Piel links nerrn.

Symbole vun Verknüpfungen op'n Desktop hebbt mehrst so'n lütten Piel  an'e linke Siet.

En Blick in den Explorer maakt dat heel klaar: Verknüpfungen sünd Dateien, de heel lütt sünd – bloots 1 kB. De Dateien, to de de

Verknüpfung föhrt, kann veel grötter ween!



Dateiname	Größe	Typ
Arbeitsplatz		Systemordner
Papierkorb		Systemordner
aktuell	1 KB	Verknüpfung
dw4	1 KB	Verknüpfung
Spiele	1 KB	Verknüpfung
tagebuch	1 KB	Verknüpfung

Süh! Verknüpfungen sünd heel lütt

Woneemhen föhrt se denn? Dat köönt Se rutfinnen. Rechtsklickt Se doch mal so en Verknüpfung. In't Kontextmenü (ja! woneem süß?) giff't den Befehl **Eigenschaften**. Dor klickt Se op.

Kiekt Se op de Registerkoort **Verknüpfung**. In dat Feld

Ziel: steiht, welk Datei


opmaakt warnn schall, wenn düsse Verknüpfung doppelklickt warrt. Hier is dat en Programmdatei (Endung: .exe).

Ziel:


(Faken is de Naam so lang, dat he nich ganz to lesen is. Steiht avers ganz in dat Feld. Denn mööt se rinklicken un beten mit de Pieltasten rümmerfohrn.)

Dor steiht also de Naam vun de Programmdatei un ok woneem se henhöört. Programmdateien höört alle in den Ordner **C:\Programme!**

Woans kümmt dat denn, dat se alle ut dat Startmenü apen to maken sünd? Un mennigmal ok vun'n Desktop? Na, dör de Verknüpfungen!



Ik verfolg mal dat „Ziel“ vun düsse Verknüpfung. In den Ordner C:\Programme\Macromedia4\Dreamweaver4 liggt op min PC de Datei, op de düsse Verknüpfung wiest. Se is 6332 kB groot, also 6 Mb!



De Verknüpfung is veel lütter. 6000 Mal lütter.

Se köönt elk Porgramm ok ut dat Startmenü starten. Man wenn Se en Programm heel veel benütten wüllt, is dat bequemer, dat op'n Desktop to hebben – orr in de Schnellstart-Liest! Noch grötter warrt de Vördeel, wenn Se en bestimmte **Datei** jümmers apen maken wüllt, so as en Daagbook orr Ehr Memoiren. En Verknüpfung op'n Desktop, un Se köönt dat glieks na den Computerstart doppelklicken un anfangen!


Övertüügt? Good. Woans maakt Se denn nu so en Verknüpfung? Nix is einfacher!

Verknüpfung erstellen

Wi nehmt toerst an, dat Se to en Datei verknüppen wüllt.


Datei op Desktop

- Gaht Se in den Ordner, 'neem de Datei liggt.
- Rechtsklickt Se ehr.
- Wählt Se in't Kontextmenü den Indrag **Senden an**.
- In det Ünnermenü wählt Se **Desktop (Verknüpfung erstellen)**.
- Fertig. Kiekt Se op den Desktop: De Verknüpfung is dor!



(Op den Desktop kiekt Se an'n gausten mit dat Icon  in de Schnellstart-Liest.)

- Test Se de Verknüpfung foorts! Doppelklickt Se ehr. De Datei geht op!
- Nu maakt Se de Datei wedder to.



Verknüpfung verännern

De Verknüpfung hett Naam un Symbol. Beed köönt Se ännern.

De Naam is licht to ännern. Natüürlich köönt Se de Datei ümnöömen – rechtsklicken, Kontextmenü

Umbenennen wählen! – Dat geht överall in Windows.

Man dat Bild? Ok dat köönt Se ännern!

Laat Se sik vun Ehr niege Verknüpfung de **Eigenschaften** wiesen (Kontextmenü!).

Dor steiht dat Ziel, de Datei, de apenmaakt warrt. In düssen Dialog giff't en lütt Schaltflach **Anderes Symbol**. Klickt Se op.

Nu geht de Schatzkist vun Symbolen op, de Windows praat höllt. Klickt Se een an (waagrechten Rullbalken nütten!), denn **OK**.

Wenn Se nich so veel Symbolen seht, denn liggt dat daran, dat düsse Symbolen in de Datei C:\WINDOWS\SYSTEM\SHELL32.DLL steken daat. In düsse Datei mutt Windows na Datein söken. Draagt Se düssen Naam in dat Feld baven in, denn kriggt Se de Utwahl to sehn.

In de Schnellstart-Liest

Wenn Se nich dat alleröllste Windows 98 hebbt, denn hebbt Se de Schnellstart-Liest rechts blangen den Startknoop. Dor sitt – natüürlich – luter Verknüppungen in.

Düsse Liest hett twee Vördelen:

- De Verknüppungen brukst nich doppelklicken, een Klick riekt, und dat Programm/Datei geht op.
- De Icons sünd jümmers to sehn, wenn de Taskliet to sehn is.

In de Schnellstart-Liest köönt Se Ehr egen Verknüppungen rindaan – ganz licht:



- Faat Se dat Desktop-Icon vun de Verknüpfung mit de Muus an un treckt Se dat op de Schnellstart-Liest.

- Se mööt so'n verschwommenen Strich sehn könen; dor warrt dat Icon landen.
- Laat Se dat falln.



De Verknüpfung is nu in de Schnellstart-Liest *kopeert*; op den Desktop blifft se liekers bestahn. Dor köönt Se ehr avers nu ok löschen, denn beed brukt Se nich.


Nich vergeten: Testen!

Datei woannershen

Wenn Se Ehr Verknüpfung gor nich op den Desktop hebben wullt, man ganz woanners, denn geht Se anners vör.

- Fangt Se wedder in den Ordner an, 'neem de Datei liggt.
- Rechtsklickt Se ehr.
- Wählt Se in't Kontextmenü den Indrag **Verknüpfung erstellen**.
- Se kriggt swupps en Verknüpfung in densülvigen Ordner.

Dateiname	Größe	Typ
Tagebuch.doc	11 KB	Microsoft Word-Dokument
Verknüpfung mit Tagebuch.doc	1 KB	Verknüpfung




Düsse Verknüpfung is en ganz normale Datei; Se köönt ehr nu kopeern, utsnieden, infögen, löschen orr överall henschuven, as Se dat lehrst hebbt.

Verknüpfung to Programmen

Wüllt Se gor nich to en egen Datei verknüppen, man to en Programm-Datei? Ehr Leevlings-Programmen vun'n Desktop starten? Keen Problem!

Woans wöörn Se dat angahn? Nieschierige Natuurn sünd nu villicht al in den Ordner C:\Programme navigiert un hebbt na de Oginaal-Programmdateien söökt. Good so! Nieschierig ween is nienich verkeert. Dat gifft avers en einfacheren Weg!

- Gaht Se in't Startmenü op dat Programm, dat Se gern direkt vun'n Desktop starten wüllt. – In dü't Bild heff ik dat Speel „Freecell“ nahmen. Dat liggt heel versteckt in **Start | Programme | Zubehör | Spiele**.



- Rechtsklickt Se den Indrag för dat Programm. Dat hett'n Kontextmenü!
- Wählt Se **Senden an**, Ünnermenü-Indrag **Desktop (Verknüpfung erstellen)**.
- Fertig, de Verknüpfung liggt op'n Desktop.



Dormit köönt Se nu allens doon, wat Se mit en Verknüpfung so doon köönt: Naam ännern, Bild ännern, in de Schnellstart-Liest trecken...


Öven: Verpasst Se de Verknüpfung doch mal en heel „seriöses“ Outfit! Geevt Se ehr en annern Naam un en anner Symbol. Denn süht dat seriös ut, un wenn't doppelklickt wartt – geiht'n Speel op! 😊

Wat stekt dorachter?

Kiekt wi us mal dat Startmenü an – avers nich „vun vörn“ ünner den Startknoop, sünnern „vun achtern“ – mit'n Explorer in den Ordner **C:\Windows\Startmenü!** Ja – ok dat Startmenü kannst in'n Explorer ünnersöken. Avers nix kaputtmaken!

Intressant för us is de Ordner **C:\Windows\Startmenü\Programme**. Dat is de Menüpunkt **Programme** vun't Startmenü. Laat Se sik mal rechts den Inholl wiesen un rullt Se em dör. Veel Programme sünd in Ordner verpackt, anner sünd – Verknüppungen!

So süht dat etwa ut.



Un vun düsse Verknüppungen hebbt Se sotoseggen „Duplikate“ maakt, wenn Se vun Startmenü-Indrääg en Verknüpfung maakt.

Wohrschu! Wenn Se hier en Verknüpfung löscht, is de Indrag ut dat Startmenü verschwunden! Dat Programm is avers noch dor. Wenn Se en Verknüpfung löscht, löscht Se nienich dat Programm!

Mit dat, wat Se nu weet, kunnen Se so en löschte Verknüpfung sogoor wedder repariern, nich?

Nu kennt Se alle Techniken, dat Se sik dat op Ehrn PC komodig maken köönt!